

Ngā ture a Niutana

Kia ako koe i ngā ture neke e toru a Niutana i runga i ngā tikanga Kiwi.




Te ture tuatahi a Niutana

Ka tau tonu tētahi mea, ka neke torotika tonu rānei mō āke tonu i taua tere tonu, ki te kore e pākia e tētahi atu tōpana.

Hei tauira: e hīkoi ana koe i tātahi, kei tō ringa tētahi aihikirīmi reka. Ina whakatītaha iti noa iho koe i tō koeko aihikirīmi, ka taka te aihikirīmi ki te onepū. Kua kapi tō aihikirīmi i te onepū ināianei...

I te whakatītahatanga, ka mutu te tau a te aihikirīmi ki runga i te koeko, ā, ka mahi te tō ā-papa i tāna mahi – i tōia te aihikirīmi ki te papa. Nā te tōpana o te papa onepū i mutu ai te rere a te aihikirīmi.




Te ture tuarua a Niutana

Ko te tōpana = te papatipu x te whakaterenga.

Hei tauira: ko te pīrangi o te hipi me te kiwi kia kawea rāua. He māmā te hiki i te kiwi, he taimāmā nō te kiwi. Engari he uaua te hiki i te hipi...me āwhina tō kaiako i a koe ki te hiki ake i te hipi.

I pēnei ai, i te mea me nui ake te tōpana hei neke i ngā mea taimaha. He nui ake te tōpana a te tokorua i te tangata kotahi, nō reira me āwhina mai tētahi ki te hiki i te hipi.



Te ture tuatoru a Niutana

He tauhohe ōrite, he tauhohe tauaro anō tō ia mahi.

Hei tauira: kei a Jordie Barrett te mahi nui ki te whai i ngā piro toa i te Ipu Whutupōro o te Ao. Ka kaha tana whana i te pōro, ā, ka rere te pōro ki runga ake i te poupiro i te takanga o te wā ki te kore. Kua piro!

I konei, ko te mahi, ko te pā a te wae o Jordie ki te pōro. Ko te tauhohe ōrite me te tauhohe tauaro, ko te rere o te pōro i runga i te poupiro.



Kaupapa
Māhoro

Wero
Tākirirangi